

欽定大清會典圖

欽定大清會典圖卷一百八十七


輿地四十九


福甯府圖

永春州圖

龍巖州圖

福甯府圖





福甯府在省治東北五百四十五里。至

京師五千四百里。領縣五。治霞浦。西南甯德。西北福安。壽甯。東北福鼎。海在府東南。北接浙江溫州府平陽縣界。迤南為福鼎縣東南境。又南為府治霞浦縣東南境。又南接福州府羅源縣界。交溪一名長溪。自浙江處州府景甯縣東南流入界。經壽甯縣北。曰后溪。合小東水。曲折東南。流為百步溪。右納西溪水。經福安縣東北。富溪流。出府治西北青嵐面。合洋邊柳洋諸水。屈西北流。注之。曰東溪。亦曰長溪。又南蟾溪。亦自壽甯


縣西北合茗溪屈曲東南流注之折西南託溪
上承慶元縣之橫嶺水尤溪亦上承其縣之西
溪水平溪自建甯府政和縣來並經壽甯縣東
南合東南流來會是為交溪又南經縣治西南
左納泰溪水又東南大梅溪上承永潭溪合二
小水南流折西北注之又西廉溪上承建甯府
政和縣之稠阮水經壽甯縣南為松洋溪東南
流合穆溪潘溪注之亦曰三江口又南右納薛
坂水經白石司東又東南為黃崎江達官井洋
入於海外渺溪上游為松洋溪上承建甯府政


和縣之稠阮水經壽甯縣西南泗州橋塘歧為
二一東流為廉溪一西南流經甯德縣西北合
政和縣之梨洋峽水經周敦堡南曰南門溪又
東南左合馬阮水又東南至外渺顯聖溪出縣
西北顯聖巖合雙溪來注之為外渺溪又東南
左納赤洋溪閩阮水至金垂港入於海北溪上
源為龍滌溪自屏南縣東南流入界經甯德縣
西北石堂山西黛溪亦自其縣來會又東南右
合一小水左合桃花諸溪水為金溪折東南支
津東出入於海正渠又南右納鐘洋溪及福州

府羅源縣之楊溪。經縣治北曰藍田溪。厯塔山
東南。納飛鸞江。焦溪諸水。又東南入於海。桐山
溪出福鼎縣西北金尖山。東南流合金釵溪。芟
溪南溪諸水。東流折南。合龍山溪。經縣東至郭
洋坪。匯縣東南諸溪。港東南流入於海。王柄溪
峽門溪。並在福鼎縣東南。入於海。楊家溪出府
治西北。合玉山水。東南流。烏杯溪自福鼎縣南
流。注之曰赤溪。又東南曰雉溪。合諸溪入於海。
赤岸溪亦出府西北望海嶺。合倒流溪。雲露洋
水東南流。與長溪河並入於海。杯溪亦出府治。

西北合九龍阮諸水南流入於海暗溪出府治
北東流經福鼎縣西南合二水西北流折西入
浙江温州府泰順縣界注后溪府東至南界海
西及西南界福州府北及東北界浙江温州府
西北界建甯府浙江處州府

永春州圖






永春州在省治西南四百十里至

京師五千二百五十五里。領縣二。北德化。西北大田。漣溪出德化縣西北戴雲山。南流曰白泉溪。會黃洋溪東流。右納龍潭水。經縣治南。折東北。右納碧潭水。左納龍潭水。屈東北。盧溪出縣北。涼繖山東北流注之。又東北入福州府永福縣界。梓溪出德化縣西北曰小尤溪。合一小水西流。經大田縣西南。合龍背嶺水。始為梓溪。折西北。合小沆水。復東北。虎鼻山水。合太素山水。東南流注之。又東北經縣南。又北。左納后華水。又

東北英果溪出縣西北太寶山合鐵山水渡頭
溪曲東流注之又東北入延平府尤溪縣界桃
溪出州西北雪山東流經陳巖山曰陳巖溪屈
曲東流左納錦溪又東南冷水坑水南流注之
經州治南又東新溪出縣西北天馬山東流歧
為二一東入興化府仙遊縣界一西南流來注
之又東南入泉州府南安縣界小姑溪亦出州
東南出界注之熊田溪出德化縣西南西南流
經州西為碧溪又東南合上窰水南洋水折西
南入泉州府安溪縣界洞口溪出州西北合南

山水東南流歧為二。並南流入安溪縣界。沈口
溪出大田縣西南入龍巖州甯洋縣界。武陵垵
水亦出縣西南入龍巖州漳平縣界。湯嶺水在
德化縣西北入延平府尤溪縣界。石牛洞水在
德化縣東南入仙遊縣界。州東界興化府。西界
龍巖州。東南至西南界泉州府。北及西北界延
平府。東北界福州府。

龍巖州圖



龍巖州在省治西南九百里至

京師五千七百四十里。領縣二。東北漳平甯洋。九龍溪一名漳平上溪。二源西北源曰九鵬溪。出甯洋縣西北黎子嶺。曰北溪。合百種畬洞水。西溪。水南流。南溪。合蓋竹洋水。西南流來。會曰大溪。又東南左納徐溪水。曲南流。至縣南嶺頭隘。折東經漳平縣西北。始為九鵬溪。萬安溪上承汀州府連城縣大東溪。東南來為藿溪。合其縣之隔溪。小東溪。及大埔崙水。東溪水。東北流來。會又東北。西阮水。自永春州大田縣西南來。經

甯洋縣東南合新橋溪來會。又南經漳平縣西會西源。西源曰雁石溪。一曰龍川。出州西九曲嶺。東南流合陳陂溪。過州治南。右納馬阮社水。折東北。經觀音座山東。至雁石嶺南。始為雁石溪。北流折東。與九鵬溪會。是為九龍溪。又東右納吳地溪。經縣治南。又東南至華口。感化溪自大田縣南來。合象湖山水。注之。下折溪亦北流注之。又東南入漳州府龍溪縣界。九車塘水博平嶺水並出州東南。入漳州府南靖縣界。州東界泉州府。北至南界汀州府。東北界延平府。永

春州東南界漳州府。

欽定大清會典圖卷一百八十八

輿地五十

臺灣省全圖


臺灣府圖


臺北府圖

臺南府圖

臺東州圖

臺灣省全圖







臺灣省在

京師東南臺灣府為省治臺灣巡撫布政司共治
馬統府三州一臺灣府西南臺南府東北臺北
府東南臺東州海環省四面濁水合水大甲溪
並出臺灣府境西流入於海八掌溪急水溪曾
文溪東港四重溪龍鑿潭並出臺南府境西流
入於海磺溪鳳山崎溪隙仔溪並出臺北府境
西北流入於海大清水溪花蓮港打馬欄溪新
武洛溪軒子崙溪並出臺東州境東流入於海
四面俱至海

臺灣府圖






臺灣府為臺灣省治。至

京師六千二百二十六里。領廳一縣四。治臺灣南
雲林西彰化北苗栗東南埔裏廳海在府西北
北接臺北府新竹縣界為苗栗縣西北境又南
為府治西北境又南為彰化縣雲林縣西北境
又南接臺南府嘉義縣界濁水出埔裏廳東南
山西南流左合二水經雲林縣東北一水自南
來注之。曲北右納一水經縣北又西北一水自
嘉義縣來北流注之。又西經牛埔厝歧為三支。
一支曰石龜溪西為牛稠溪一支曰虎尾溪經

汕頭層為麥寮港。並經縣西入於海。一支為東螺溪。又歧為三。曰刺桐港。即番窰港。曰鹿港。曰二林港。並經彰化縣西入於海。大肚溪上源曰合水溪。出埔裏廳東南魚池仔。西北流合南磜溪。經廳西北。北港溪北磜溪。並西流注之。又西珠子山。二水合西北流注之。經府治南。左右各納一水。經大肚街為大肚溪。又西北入於海。大甲溪出苗栗縣東南。合數小水西南流。右出支津。注於吞霄溪。正渠南流。左納一水。折西北。經鐵砧山南。又西北入於海。吞霄溪出苗栗縣東。

南合大甲溪支津經縣南西北流入於海。后壠
溪出苗栗縣東南山。合一水西北流經五鶴山
南至銅羅灣夾二洲。又西北經縣治北右通中
港溪。左納一水入於海。中港溪出縣東山。緣界
西北流經縣治。左出支津。合后壠港支水為烏
眉溪。與正渠並西北入於海。內山在府東。府東
及東南界臺東州。西至北界海南。及西南界臺
南府。東北界臺北府。

臺北府圖





臺北府在省治東北二百五十里至

京師五千九百七十六里。領廳一縣。三治淡水。東北基隆廳。東南宜蘭。西南新竹。海環府東北西三面。東接臺東州界。西接臺灣府界。基隆口在基隆廳東北。滬尾口在府治西北。磺溪出府治南山。合石頭溪東北流。左右各納一小水。至枋橋街。紅仙水合擺接溪。諸水西流注之。又北經府治西。艋舺十八重溪水北流折東注之。至大稻埕。大隆洞溪出基隆廳東雞籠山。合一水西流注之。又西北分流復合。經扈尾港入於海南。

統港上流為大過溪在府治西北中滙溪土牛
溝紅毛港鳳山崎溪舊港油車港香山港並在
新竹縣西北俱入於海三貂溪在基隆廳東南
草嶺大溪加禮遠港蘇澳門並在宜蘭縣南俱
入於海雞籠山在基隆廳東府東北西三面界
海南界臺東州西南界臺灣府

臺南府圖





臺南府在省治西南二百里至

京師六千四百二十六里。領廳一縣四治。安平。東南。鳳山。恆春。東北嘉義。西北澎湖。廳海在府西南。北接臺灣府。雲林縣界。南接臺東州界。澎湖廳懸居海中。牛稠溪出嘉義縣東。西北流經治北。與布袋嘴港並西流入於海。八掌溪出雲林縣界。西北流經平鼻山。北半月山。南合漢箕湖。及一小水西流至鹽水港。入於海。急水溪二源並出雲林縣西界。經嘉義縣東南。合西流。又經急水鋪。南左納十八重溪。又經鐵綫橋街北。又


西入於海。曾文溪出府治東北西北流經大武隴北右納茄拔溪左納一小水經府治北又西經倒風港入於海。柴頭港出府治東北山西北流經治北又西合德慶港為安平港入於海。二層行溪出府治東茄定港出雁門關嶺阿公店溪出鳳山縣東北並西流入於海。淡水溪出府治東六張犁西南流右納一水左納二水經下淡水西鳳山縣治東至潮州厝汎北西冷水溝水出縣東茅匏山合二水西南流注之。又西南匯為東港入於海。茄藤港在鳳山縣南西流入

於海。率芒溪出恆春縣北。武吉山合一水西流入於海。刺桐港、楓港、五重溪、三重溪、射寮溪並
在恆春縣北。西流入於海。龍鑿潭在恆春縣南
西北。流入於海。豬豬東港在恆春縣東。東流入
於海。傀儡山俗曰加禮山。在鳳山縣東。府東及
東南界臺東州。西至南界海。北及東北界臺灣。

府

臺東州圖

Date	Description	Amount	Balance	Total	Interest	Tax	Other



臺東州在省治東南五百里至

京師六千二百二十六里海在州東北接臺北府
宜蘭縣界南接臺南府恆春縣界大港上源曰
打馬檻溪出秀姑巒山東流經治北右合網網
溪左合一水經奇密社北入於海卑南大溪出
州西南新武洛社合三水東南流入於海花蓮
港二源並出州西北合數小水經太平廠南入
於海東澳南澳大濁水溪大清水溪小清水溪
得其黎溪三棧溪尤丹溪米崙港並在州東北
入於海紅蝦港黎仔阮溪郎阿郎溪馬武窟溪

八里芒溪呂家望溪知本溪大苗里溪軒子崙
溪大足高溪干子壁溪大烏萬溪巴聖衛溪魯
木鹿溪牡丹灣八礮灣並在州東南入於海州
東至南界海西及西北界臺灣府北界臺北府
西南界臺南府

欽定大清會典圖卷一百八十九


輿地五十一


浙江省全圖

杭州府圖

嘉興府圖

浙江省全圖






浙江省在


京師東南杭州府為省治浙江巡撫布政司共治
焉。統府十一廳。一杭州府東南紹興府甯波府
定海廳台州府温州府西南嚴州府金華府衢
州府處州府東北嘉興府西北湖州府海在省
東北與江蘇松江府接界南與福建福甯府接
界錢塘江上承新安江自安徽徽州府東南流
入境經嚴州府西南合迴溪東北流經府治南
婺港二源出金華府東合武義港水西流衢港
二源出衢州府西合東溪水東流合為蘭谿江

來會為桐江又合頰口溪東北流為富春江又東北經杭州府西南為錢塘江合浦陽江東北流入於海曹娥江上游曰剡溪出紹興府南北流經府東折西北入於海甬江出紹興府東經甯波府治北東流入於海椒江上游為永安江出台州府西南東北流合始豐溪又經府治南為椒江又東南合永甯溪又東入於海甌江上源為大溪二源出處州府西南合東北流又經府治南而東合好溪南洋溪又東南經温州府西北為甌江又合柎溪入於海飛雲江出温州

府西南經府南屈東流入於海西湖在省治西北出為下塘河又東北為運河又經湖州府東南又東北經嘉興府治西而北入江蘇蘇州府界太湖在湖州府北與蘇州府接界東苕溪出杭州府西屈東北經湖州府南西苕溪出府西南北流折東貫府治來會左出支津注太湖又東為運河入蘇州府界東至海西至安徽界北至江蘇界南至福建界西南至江西界

杭
州
府
圖





杭州府為浙江省治。至

京師三千二百里。領州一縣八。治錢塘仁和西餘
杭西南富陽臨安新城於潛昌化東北海甯州
海在海甯州東南北接嘉興府海鹽縣界南接
紹興府山陰縣界其海口曰鼈子臺錢塘江上
承桐江自嚴州府桐廬縣合鼂江北流入界。經
富陽縣西南湖澗水自金華府浦江縣東北來
為壺源江注之。又東北右納剡浦水。經縣治西
南菟浦上流為私水。合白洋溪橫銀溪步橋水
南流注之。又經縣治南為富春江。右納安吳川

水又經府治西南為錢塘江其南岸為紹興府
蕭山縣界會浦陽江北岸經袁家浦折北流又
東北經府治南龍口開納府治城內諸水又東
北經海甯州南又東由鬯子壘入於海鬯江上
源為松溪出臨安縣南流經新城縣治南葛溪
出縣西北來會為鬯江又南入桐廬縣界注桐
江苕溪出臨安縣西北天目山合董溪及馬跑
泉水東南流經縣治北又東流右納錦溪及靈
溪又東北經餘杭縣匯為南湖東出支津為餘
杭塘河其正渠折北經縣治東又北中苕溪即


仇溪出臨安縣西北穆公山合猷溪東流來會
又東北苕溪出餘杭縣西北獨松關東南流來
會又東北經府治錢塘縣西北又經府治仁和
縣西北受官塘河又北流入湖州府德清武康
二縣界官塘河即下塘河上承西湖水自府治
西西北流餘杭塘河自餘杭縣分苕溪水東流
來注之又北出左家橋分二支一西北流為官
塘河會苕溪一北流經府治仁和縣西北為下
塘河即運河北流折東入德清縣界上塘河亦
上承西湖水環府治分支南流注於江正渠北

流經府治仁和縣北頭橋支津東出為備塘河
東南流經海甯州治西合二十五里塘河又東
南至尖山北通袁化塘河正渠自頭橋北流折
東經海甯州西北長安壩分二支一東南流為
二十五里塘河注備塘河一北流為運塘河入
嘉興府石門縣界其支津東流復分二支南支
為周王廟塘河東南流至郭店鎮為郭店塘河
左出支津為斜橋塘河合北支郭店塘河又東
南流至袁花鎮為袁花塘河合備塘河東出為
招寶塘河入嘉興府海鹽縣界又北流匯於黃

道湖亦入海鹽縣界北至為許公塘河東北流
右合斜橋塘河又東北為洛塘河亦匯於黃道
湖又北出為長水塘河入嘉興府海鹽桐鄉二
縣界頰口溪自安徽甯國府績溪縣東流入界
經昌化縣西受雲溪支津為無他溪又東左納
桃花溪即巨溪為西晚溪又東經縣治西折東
南為雙溪經治南為三溪受橫溪水溪上源為
雲溪出縣西南昱嶺東北流過橫溪橋支津北
出注頰口溪正渠東流橫溪東北流為蒲溪又
東北為伽溪右合塘溪即覽溪又名上下博溪

東北流注三溪三溪折東流為紫溪經於潛縣南會於浮溪溪上源為虞溪出縣北福壽嶺東南流左納豐凌溪水及東關溪是為零口溪經縣治西又南左納藻溪右納柳源溪又南為浮溪與紫溪會浮溪又南左納大源溪又南為天目溪入嚴州府分水縣界天目山東西二嶺在於潛縣北臨安縣西北府東及東北界嘉興府西界安徽徽州府南及東南界紹興府北及西北界湖州府西南界嚴州府

嘉興府圖



嘉興府在省治東北一百八十里至

京師三千二十里。領縣七。治嘉興秀水。東嘉善。東南平湖海鹽。西南桐鄉石門。海在府東。北接江蘇松江府金山縣界。迤南為平湖縣。東南境濱海。有乍浦城。又西南為海鹽縣。東南境濱海。有澉浦城。又西南與杭州府海甯州接界。運河即下塘河。自湖州府德清縣東北流入界。經石門縣西南。支津北出為南界。涇復分二支。一東北流為斜門。涇注正渠。一北流為含山塘。仍入德清縣界。其正渠東北流。又東經縣治南。運塘河。

自海甯州北流注之。又北經縣東北。左受舛門
涇。右出一支津為石人涇。至桐鄉縣東南。注長
水塘。其正渠又北至羔羊橋。復右出一支津為
沙木涇。至桐鄉縣東南。復歧為二。一注正渠。一
注長水塘。其正渠自羔羊橋東北流。長濠涇分
含山塘水東流來注之。又東北經桐鄉縣西。左
出一支津。西北流為白馬塘河。合湖州府歸安
縣之吳興塘水。東北流經秀水縣西。為潮溪塘。
入江蘇蘇州府震澤縣界。其正渠又東北經桐
鄉縣治北。又東北。右受永新港水。又左出支津。

為五往涇西北流復折東南為分鄉港仍入正渠。自分鄉港溢而東北流者為烏鎮港即新膝塘。仍注正渠。正渠又東北環府治南受長水塘河。河自杭州府海甯州上承許公塘水北流入界。經桐鄉縣東南左合石人涇及沙木涇水北流注運河。運河又經府治東南受海鹽塘河。河即嘉興塘河。上流為招寶塘河。自海甯州東流入界。經海鹽縣西南東北流至慶豐橋。右分一支津為烏邱塘河。環縣治而東北流為平湖塘河。又為海鹽塘河。經平湖縣南合乍浦塘匯於

東湖其西北流者為嘉興塘河合正渠正渠自慶豐橋北流經縣西合支津又西北許公塘河袁化塘河並自海甯州來匯為黃道湖及馬腰湖東流注之又西北經府治嘉興縣南潄為南湖注於運河運河又經府治東北支津東出為冬瓜湖塘即東郭湖塘注魏塘河其正渠又西北右通諸蕩水又北過王涇鎮入江蘇蘇州府吳縣界南湖在府治嘉興縣治南匯運河及長水塘河海鹽塘河諸水溢而東南出為六里塘河至東柵口歧為二一為漢塘河一為魏塘河

魏塘河自東柵口東北流經嘉善縣西受冬瓜湖塘塘上承運河水東流其支津為運涇港為蘆魁塘並北流入蘇州府吳江縣界其正渠東流注魏塘河魏塘河又東環縣治北出一支為六科塘過西塘鎮匯於木科湖接江蘇松江府青浦縣界東出一支為華亭塘復分支北出為上十二港通茜涇塘及橫楓涇塘匯諸蕩水亦接青浦縣界其正渠又東右納油車港水又東北為楓涇塘入青浦縣界其支津為茜涇塘為橫楓涇塘漢塘河自東柵口東南流支津北出

為油車港注於華亭港其正渠又東南至平湖
縣匯於東湖東湖在平湖縣治東南匯漢塘及
海鹽塘水北溢為魚圻塘東溢為廣陳塘及廣
陳支塘黃姑塘並入松江府金山縣界府東及
東北界江蘇松江府西至北界江蘇蘇州府南
界杭州府東南界海西南界湖州府